



Universitätsbibliothek Paderborn

Instructio practica ...

De Horis Canonicis Juxta Rubricas Breviarii Romani ritè recitandis - In qua etiam ipsæ Rubricæ Notis brevibus illustratæ, & Martyrologij Romani nomina suis Accentibus signata continentur, Ad Faciliorem Discentium Vsvm Ac Prixin

Lohner, Tobias

Dilingæ, 1676

§. 2. De Semiduplicibus.

[urn:nbn:de:hbz:466:1-48333](#)

§. II.

De Semiduplicibus.

I. Quatuor sunt species Semiduplicium. Ad primam pertinent *Dominicæ*, quæ in tres species subdividuntur, scilicet in *Dominicas prima Classis*, quæ nulli Festo cedunt: *Dominicas secunda Classis*, quæ soli Festo Patroni vel Titularis, vel Dedicationis cedunt: & *Dominicas communes*, seu per annum, ut vocant. Hæ omnes, inquam, *Dominicæ* (exceptâ *Dominicâ Resurrectionis*, *Pentecostes*, SS. *Trinitatis*, in *Albis*, & ijs, quæ transferuntur) sub ritu Semiduplici celebrantur; ita tamen ut in occurso semper alijs Semiduplicibus præferantur. Ad secundam pertinent Festa *Semiduplicia*, qualia sunt, quibus in Calendario, vel in Proprio Sanctorum vox *Semiduplex* additur; & interdum in aliquibus locis ex concessione summi Pontificis Festa illorum Sanctorum, quorum Reliquiæ non insigne habentur. Ad tertiam spectant omnes *Dies infra Octavam*, quæ proinde in occurso tam *Dominicis*, quam Semiduplicibus cedunt, nisi ad aliquam ex Octavis privilegiatis, de quibus Titulo sequenti dicetur, pertineant. Ad quartam pertinent *Vigilia Epiphaniæ* & *Pentecostes cum præcedente sexta Feria*, quæ sub ritu Semiduplici celebrantur, nec tamen ad ullam præcedentium classum commodè revocari queunt.

II. Distinguuntur hæc Semiduplicia à Duplicibus per privilegiorum priori §. n. 6. enumeratorum parentiam, primi saltem, nam posteriora duo etiam Diebus infra Octavam convenient. A Simplicibus verò distinguuntur, quod novem Lectiones, tres Nocturnos, & primas ac secundas Vespertas de jure exigant.

§. III.

De Simplicibus.

I. *Simplicium* (sic dictorum, quia simplici seu minus solemini ritu celebrantur) sex sunt species. Ad primam pertinent *Feriae Maiores*, sic dictæ, quia de illis fit commemoratio quocunque Festo occurrente, quales sunt *Feriae Adventus* & *Quadragesimæ* (de quibus commemoratione etiam in utrisque Vesperis fieri debet) & *Feria II. Rogationum*, ac *Quatuor Temporum*, de quibus in solis Laudibus commemoratione